

Transform lahir golongan pemikir

KLUANG - Universiti Tun Hussein Onn Malaysia (UTHM) membuka sebuah Institut Transformasi Sosial dan Pembangunan Wilayah (Transform) di Jalan Mersing-Kluang di sini sebagai tempat melahirkan golongan pemikir, penyelidik, perunding dan pusat rujukan dalam bidang transformasi sosial dan pembangunan wilayah.

Ketua Setiausaha Negara, Tan Sri Dr Ali Hamsa berkata, Transform mula dibuka kepada masyarakat di sekitar daerah ini dan Kota Tinggi bermula Disember tahun lalu dan pembukaannya hasil cetusan idea Naib Canselor UTHM, Profesor Datuk Dr Mohd Noh Dalimin.

Menurutnya, pusat itu dibuka untuk UTHM mempunyai satu institut mengkaji pendekatan baharu sesuai dengan keperluan setempat, bagi menghadapi cabaran baharu dalam pembangunan nega-



Ali memotong reben sebagai tanda perasmian pusat Transform UTHM di Jalan Mersing-Kluang.

ra rentetan daripada proses globalisasi.

"Transform adalah tanda aras dalam bidang transformasi sosial dan pembangunan wilayah dengan menggembeng dan memanfaatkan kepakaran, pengetahuan dan fasiliti dalam

bidang kejuruteraan, teknologi, ICT dan sains sosial yang akan memberi kesan sinergi kepada pencapaian wawasan negara.

"Teras aktivitinya adalah menjalankan penyelidikan, di samping menjana pendapa-

tan untuk universiti melalui penyelidikan kontrak, perundingan dan program latihan, selain mewujudkan jaringan kepakaran dalam bidang berkaitan di peringkat nasional dan global," katanya selepas perasmian bangunan Transform di Jalan Mersing-Kluang, dekat sini, kelmarin.

Ali berkata, institusi itu juga ditubuhkan bagi membina kapasiti staf universiti, pelajar dan komuniti melalui latihan, penyelidikan bersama, perundingan, penerbitan dan perkongsian pengalaman di samping menawarkan program pasca siswazah serta latihan melalui fakulti berkaitan.

Menurutnya, institusi ditubuhkan itu mampu mendekatkan diri dengan masyarakat di samping membantu menyelesaikan permasalahan dalam kalangan masyarakat di sekitar Kluang dan Kota Tinggi.